

# TUDM BERAKSI CEMERLANG DI KARNIVAL SUKAN ANTARA PERKHIDMATAN ATM

[airforce.mil.my/berita/acara-rasmi/2663-tudm-beraksi-cemerlang-di-karnival-sukan-antara-perkhidmatan-atm](http://airforce.mil.my/berita/acara-rasmi/2663-tudm-beraksi-cemerlang-di-karnival-sukan-antara-perkhidmatan-atm)

KUALA LUMPUR, 10 Nov 17 – Skuad Sukan TUDM telah menunjukkan satu pencapaian yang amat membanggakan apabila beraksi cemerlang di Karnival Sukan Antara Perkhidmatan ATM yang diadakan pada 6 Nov hingga 10 Nov 17. TUDM telah dinobatkan sebagai johan keseluruhan di dalam empat dari lima sukan yang dipertandingkan iaitu Petanque, Tinju, Kriket dan Ragbi.



Sukan Ragbi menjadi acara penutup bagi karnival sukan kali ini dengan menyaksikan pasukan TUDM, Tentera Darat dan TLDM masing-masing memberikan saingan sengit untuk merebut kejuaraan. Pasukan Ragbi TUDM atau dikenali dengan “Blackhawk” muncul juara dalam kategori 15 sepasukan menewaskan pasukan ragbi dari Tentera Darat.



Timbalan Panglima Tentera Udara, YBhg Lt Jen Dato’ Sri Ackbal bin Hj Abdul Samad TUDM merangkap Pengerusi Lembaga Sukan TUDM hadir menyaksikan perlawanan akhir ragbi serta menyempurnakan majlis penyampaian hadiah dan penutup Karnival Sukan Antara Perkhidmatan ATM pada tahun ini.



Turut hadir AKS Perancangan Pembangunan MTL, Laksamana Pertama Shamsudin bin Hj Ludin yang mewakili Timbalan Panglima Tentera Laut dan AKS Materiel, YBhg Brig Jen Dato’ Dr. Mohd Yunus bin Masjuki TUDM merangkap Pengerusi Jawatankuasa Kerja Lembaga Sukan TUDM serta para penyokong dari ketiga-tiga perkhidmatan ATM.



Syabas TUDM!

